



PARÁBOLANAN

Lès 4 pa Yüli 27, 2024

© Mark Green

THE LAW 12-03



“ E ora ei El a bisa nan,
' Mira bon kiko boso ta
skucha. Ku e mesun midí
ku boso huza, lo wòrdu
midí na boso; i na boso
ku skucha, mas lo wòrdu
duná. Pasombra esun ku
tin, na djé mas lo wòrdu
duná,; pero ken sea no
tin, asta loke é tin lo
wòrdu kitá for di djé ”
(Marko 4:24, 25, NKJV)

E MOTIBU DI EKSISTENSA DI PARÁBOLANAN

“ nan lo por ta mirando semper pero nunca ta ripará, i semper tendiendo pero nunca ta kompandé; sino nan lo por bira i wòrdu pordoná! ” (Marko 4:12)



Hesus Su predikamentu a drai rònt di e Reino di Shelu (Marko 1:14-15). Hopi di Su parábolanan a wòrdu bisá pa splika e naturalesa di e Reino ku a wòrdu bisá (Marko 4:30).

Interesantemente, e motibu ku Hesus mes a duna pa ta huza parábolanan ta asombroso di berdat: si en kaso ku nan kompandé, òf wòrdu konbertí, òf wòrdu pordoná! (Marko 4:12).

Esaki tabata nada nobo. Ora tabata komand'é pa prediká, Dios a bisa Isaias: “ Skucha bon, i no kompandé; mira enberdat, pero no kompandé. [...] a fin ku é ta mira ku su wowonan, ni tampoko ta tende ku su orecanan, ni tampoko ta kompandé ku su kurason, ni tampoko ta wòrdu konbertí, i lo tin kuramentu p'é” (Isa. 6:9-10).

Esun kende tin hamber pa e Palabra di Dios lo tende e bèrdat i regosihá. Pero esnan kende no kier tende, no importá kon simpel e bèrdat aki ta wòrdu presentá, lo nenga pa kompandé, pa kambia, i pa logra salbashon.



E PARÁBOLA DI E SEMBRADÓ




E SEMBRADÓ A SALI PA SEMBRA...

“ El a siña nan hopi kos pa medio di parábolanan, i den Su siñansa a bisa:
“ Skucha! Un kunukero a sali pa sembra su simia ” (Marko 4:2-3)

- Den poko dianan, e simia ta muri (Marko 4:4)



- Den poko simannan, e simia ta muri (Marko 4:5-6)



- Na fin di e temporada, e simia ta pari fruta (Marko 4:8)

- Den poko lunanan, e simia ta muri (Marko 4:7)

E sembradó i e simia no ta varia. Sinembargo, e resultado ta totalmente diferente pa kada un di e kuater terenonan. Tur esaki ta dependé riba e manera ku e simia ta wòrdu risibí.

E SPLIKASHON DI E PARÁBOLA

“ E kunukero ta sembra e palabra ” (Marko 4:14)

E simia ta e Palabra di Dios, i e sembradó ta kualke hende kende ta transmit'é.

- Nan no tin ningun interes, i Satanás ta guia nan na perdishon (Marko 4:15)

- Nan ta risibi e palabra, pero no ta suportá e pruebanan (Marko 4:16-17)

- Nan ta resistí e tètstnan i no ta stablesé. Nan ta pari fruta (Marko 4:20)

- Nan ta risibi e palabra, pero nan ta bira komfortabel (Marko 4:18-19)

Den e kaminda


meimei di piedranan

riba bon tera

entre sumpiñanan

Ki tipo di tera ami ta? Kiko mi mester hasi pa ta fruktífero?

OTRO PARÁBOLANAN



E LAMPI I EMIDI

"El a bisa nan, "Boso ta trese un lampi pa poné bou di un kaha di midi trigo(kòmchi) òf bou di un kama? Mas bien, boso no ta poné riba su kandelá? (Marko 4:21)

**Visualisá e kombersashon: "Boso ta trese paden...?"
"No!"; " boso no ta poné...?" " Naturalmente ku si!"**

Hesus tabata sa kon pa haña e atenshon di Su oudiensi. Awor nan tabata kla pa risibi e lès spiritual.



Poko poko, Hesus a revelá e bèrdat di e evangelio asina ku esaki lo ta konosí na tur (Marko 4:22).

E anochi ei, segun ku nan a sende nan lampinan na kas, " esnan ku tin oreanan pa tende " (Marko 4:23) indudabelmente a kòrda e lès.

" Konderá kuidadosamente loke boso ta skucha, " El a sigui(kontinuá). " Ku e mesun midi ku boso ta huza, lo wòrdu midí pa boso — i ainda mas " (Marko 4:24).

Riba e kayanan di e stat, komersiantenan a bende nan produktonan huzando mas o menos midinan stándar pa midi e kantidat di produkto ku e kumpradó tabata kier.



Si e bendedó tabata bon, é lo agregá un tiki mas produkto na e midi pa satisfasé su kliente.

Si un hende ta reseptivo na e bèrdat, nan lo haña aun mas. Pero si boso ta rechasé, asta e bèrdat ku boso tin lo ta pèrdí (Marko 4:25).

KRESEMENTU I MÒSTER

“ Tambe El a bisa, “ Esaki ta manera e reino di Dios ta. Un hòmer ta stroi simia riba tera. ”
(Marko 4:26)

Hesus ta kòrda e siklo di kresementu di grano (Marko 4:28):


- 1 Yerba
- 2 Tapushi
- 3 Grano



E ta un proseso ku ta dependé riba Dios, no hende (Marko 4:27).

Eski ta e simia di e evangelio plantá den e tera fertile di e kreyente.

Dor di e akshon di e Spiritu Santu nos ta krese mas i mas den e bèrdat ... te ora ku Hesus bini (Marko 4:29; Mat. 13:39).



“ E ta manera un simia di mòster, kual ta esun di mas chikitu di tur simianan riba tera ” (Marko 4:31)

E Reino di Shelu ta komparabel na un simia di mòster chikitu (Marko 4:30-31).

Despues di 50 dia di sembramentu, mòster ta yega(alkansa) 30-40 cm di haltura, i ya kaba ta kapas di produci fruta ku por wòrdu kosechá. E por krese te na 7 meter haltu (23 Ft.).



Chikitu, naturalmente, tabata e kuminsamentu: 120 hende “analfabeta” skondí den un kamber na Jerusalèm.

Pero su ekspanshon a yega e mundu henter, birando e religion ku e number di mas grandi di kreyentenan.

“Den parábolanan i komparashonnan, El a haña e mihó método pa komuniká bèrdat divino. Den lenguahe simpel, huzando figuranan i ilustrashonnan saká for di e mundu natural, El a habri bèrdat spiritual na Su skuchadónan, i a duna ekspreshon na prinsipionan presioso ku lo por a pasa for di nan mente, i a laga apenas un rastro, si E no a konektá Su palabranan ku esenanan mesklá di bida, eksperensia, òf naturalesa. Di e manera aki El a yama afó(hasi sali) nan interes, a lanta investigashon, i ora ku El a segurá completamente nan atenshon, desididamente El a impreshoná riba nan e testimonio di bèrdat. Di e manera aki E tabata kapas pa hasi suficiente impreshon riba e kurason asina ku despues Su skuchadónan lo por wak riba e kos ku kual El a konektá Su lès, i rekòrdá e palabranan di e Siñadó divino.